

Uunga siunnersuut: Taarsigassarsisitsisarfinnut aningaasaliisarfinnullu aningaasaateqarnissaq nakkutilliinikkullu piumasaqaateqarnissaq pillugu inatsisimmut Kalaallit Nunaannut atuuttussatut siunnersuummut oqaaseqaateqarnissaq pillugu Inatsisartut aalajangiiffigisassaattut siunnersuut, (CRR) (UPA2015/107) aamma Inatsisartut aalajangiiffigisassaat Kalaallit Nunaanni Namminersorlutik Oqartussat oqaaseqaateqarnissaannut kunnigikkormiutut peqqussutip ilaata § 1-ip taarsigassarsisarfinnut aningaasaliisarfinnullu allanut aamma inatsisinut allanut assigiinngitsunut tunngatillugu. (CRD IV-mik atuutsitsilerneq) (UPA2015/96)
Inuussutissarsiornermut, Suliffeqarnermut, Niuernermet Nunanullu Allanut Naalakkersuisoq

Akissuteqaat

(Inuussutissarsiornermut, Suliffeqarnermut, Niuernermet Nunanullu Allanut Naalakkersuisoq)

Aappassaaneerneqarnera

Naalakkersuisut ilisimavaat Inatsisartut suliassanut uani pineqartut assorsuaq piffissakilliortinneqartut suliassat ukua annertuut suliarineqarneranni, taamaattumillu Naalakkersuisut sinnerlugit Inuussutissarsiornermut Ataatsimiititaliaq qutsavigissavara suliaannut, ukua aalajangiiffigisassatut siunnersuutit pingaaruteqartut suliarineqarnerannut atatillugu.

Ilanngullugu maluginiarsinnaavara ataatsimiititaliap isumaqatigiittup siunnersuutit ukua marluk tapersensorai, taamaammat Naalakkersuisut sinnerlugit aalajangiiffigisassatut siunnersuutit marluk akuersissutigineqarnissaat inassutigissavara.